



PDG

晉肅通志卷之第七

城池

城郭溝池職在掌固倚山臨水控扼險要崇墉深池以固封守甘處西陲城池所關尤重經始何代增繕何人廣隘崇卑往牒具在可考而知志城池

皇縣

係駐劄省會

城自隋開皇初徙西古城築臯蘭山北少西濱河明洪武十年指揮同知王得增築東西長一里二百八十步南北長一里八十二步周六里二百步高三丈

五尺濶二丈六尺東西南池深三丈城北因河爲池
門四東曰承恩南曰崇文西曰永寧北曰廣源上各
建層樓宣德間僉事卜謙指揮戴旺自城西北起至
東築外郭城凡一十四里二百三十一步正統十二
年又增築承恩門外郭自東至北七百九十七丈有
奇名曰新關郭門九東曰迎恩東北曰天塹又東北
曰廣武南曰拱蘭東南曰通遠西南曰永康又西南
曰靖安西曰神川北曰天水宏治十年都指揮梁瑄
又築東郭外牆三百六十丈爲遊兵營使居守之萬

歷八年甃以磚石

皇清康熙五年甘肅巡撫移駐六年都御史劉斗補修重

建城樓

狄道州

州城自宋熙寧五年王韶大破羌人城武勝軍金元
因之增修洮河上故曰洮城明洪武三年指揮孫德
增築周圍九里三分高三丈池深一丈門四東曰大
通西曰永寧南曰建安北曰鎮遠俱甃以甃上建重
樓戍樓九角樓四二年增築北郭景泰四年知府劉

昭重修關東西北三門隆慶三年知府申維岱知縣
何常春重修

渭源縣

縣城創建於宋土築周圍三里三分高二丈五尺池
深一丈建門二南曰渭川北曰清源上各有樓鋪敵
臺北郭一宏治十七年知縣党茂增修築月城康熙
二十五年知縣張宏斌重修

金縣

縣城卽宋龔谷寨城周三里三分高二丈三尺池深

二丈門二南曰安阜北曰清安各建層樓戍舖外郭
明萬歷四年知縣劉去僻修築康熙二十四年知縣
魏煜重修

河州

州城秦苻堅建元時逼近北塬明洪武十二年指揮
使徐景改築周九里三分高五丈厚三丈池深三丈
門四東曰平秩南曰安遠西曰定羌北曰鎮邊上各
有敵樓嘉靖時知州聶守中因防邊警創南郭周三
里有奇郭門一仍建重樓康熙四十四年知州王全

臣同守備張祖淳重修

貴德所

所城明洪武七年因其地處番夷建築土城以資防

禦今仍其舊

鞏昌府

隴西縣附郭

元中統二年都總帥汪世顯卽通遠軍拓其故址甃以石明洪武十二年指揮劉顯重修周九里一百二十步高三丈一尺池深三丈七尺門四東曰阜安西曰靜安南曰武安北曰靖安皆建樓其上角樓四戍樓四磚堞六尺正德初增築東西北三郭嘉靖十二年總制唐龍增葺隆慶二年隴右道李維楨又增築北郭開東西北三門建樓其上

安定縣

縣城宋紹聖二年經畧使章燾始築周三里三分明
正統中知縣杜讓城南郭增拓六里三分城高三丈
五尺池深二丈五尺鎮樓五座四角有飛樓門三有
月城天順六年知縣趙通重修嘉靖十三年知縣張
永茂重修

通渭縣

舊城週三里高三丈東西南三門明成化九年同知
張洪定重修三門建樓萬厯初知縣張二南甃以磚
康熙五十七年地震城圯雍正八年移治安定監去

舊治六十里監係明初創建舊隸平涼苑馬寺城踞北山麓並東西關爲三城中城週一里有奇關東西門郭城與門亦如之

漳縣

舊城在古城峪圯於水明正統間移置三台山麓城週一里高一丈八尺池深一丈闊三門東曰東暉西曰西成南曰明遠各覆以樓角樓四敵臺五以磚甃萬歷十八年濬重濠一週比前加深

會寧縣

縣城明洪武六年千戶傅履知縣郁斌營建成化四年同知羅諭拓之周五里高三丈池深二丈闕南北二門嘉靖十三年總制劉天和增南北西三闕萬歷元年知縣史天祐闢東門營東郭甃以磚門四東曰東勝西曰西津南曰通寧北曰靜安皆有樓四郭門東曰賓陽西曰延暉南曰來薰北曰拱極

伏羌縣

縣在古冀城北百步許創於宋明景泰元年知縣王均增築成化十二年重葺嘉靖二十一年知縣李灌

增築周四里高二丈五尺池深一丈五尺門四建樓其上東曰凝曦西曰阜城南曰宣和北曰拱辰

寧遠縣

縣城卽古貊道舊址明洪武三年知縣劉冕重建周三里高一丈九尺池深一丈東西二門瀕濶善崩正德十二年知縣江萬里以避水患改修闢東西南三門皆覆以樓東曰景明西曰景橋南曰景仰北曰景濶嘉靖間知縣儀世麟增修崇正初城圯復修康熙十一年知縣龐守謙四十四年知縣馮同憲重修

西和縣

舊城宋紹興間安撫使李永琪築於縣西南山之上
明洪武四年知縣于通政建于南山下周四里高一
丈五尺池深一丈闊東西北三門嘉靖間闢南門一
皆覆以樓明末寇再陷城廼遷上城康熙四十三年
知縣董正仍遷山下舊城內南北門二

靖遠縣 今改隸蘭州府

、即古會州城舊址明正統二年指揮房貴增築成化
十三年拓東城嘉靖二十年守備黃恩修築南郭萬

歷六年少卿梁許重修城周六里三分高三丈門三
東曰通化西曰治平南曰安遠城北有鎮北樓池深
三丈

岷州

舊城築於西魏明洪武十一年指揮馬華始築新城
周九里三分高三丈六尺池深二丈門四東曰春熙
西曰安遠南曰政和北曰宸宿上建層樓四箭樓一
角樓五宏治十一年副使張泰重修萬歷九年羅維
垣增築西營小城隆慶二年副使劉侃拓北隅六年

副使呂鳴珂增修

洮州廳

衛城明洪武二年曹國公李景隆建周九里高三丈
池深一丈五尺四門各覆以樓東曰武定西曰懷遠
南曰鎮南北曰仁和成化五年指揮李隆重修宏治
十一年副使張泰重修萬歷十年副總兵李煦改築
北城十二年副總兵李芳增修新城

西固城 今隸階州

古武都郡地宋紹興二十年福津令張俊良築明洪

武十四年千戶姚富展築以舊城爲西關周三里高三丈池深八尺闢四門東曰望陽西曰戎服南曰鎮靜北曰永泰南北西三門俱覆以樓東門在駝嶺上無樓萬厯三年增築

